

SOALAN NO. : 426

**DEWAN RAKYAT MALAYSIA
PERTANYAAN BUKAN JAWAB LISAN**

PERTANYAAN : BUKAN JAWAB LISAN

**DARIPADA : HJ PUAN HAJAH FUZIAH BINTI SALLEH
[KUANTAN]**

RUJUKAN : DR34

SOALAN :

**Puan Hajah Fuziah binti Salleh [Kuantan] minta MENTERI SUMBER
ASLI DAN ALAM SEKITAR menyatakan dan menggariskan SOP yang
akan diwajibkan untuk perlombongan bauksit di Kuantan.**

JAWAPAN:

Tuan Yang di-Pertua,

Kementerian Sumber Asli dan Alam Sekitar (NRE) sedang diperingkat akhir penyediaan penambahbaikan terhadap semua perundangan / prosedur / garis panduan aktiviti perlombongan dan pengeksportan bauksit. Penambahbaikan ini akan dikuatkuasakan sebaik sahaja pengenaan moratorium tamat dan akan meliputi pelbagai aspek termasuk pengurusan di tapak perlombongan bauksit, kaedah pengangkutan dan penguatkuasaan, pengurusan di tapak *stockpile* dan pelabuhan serta prosedur pengeluaran Permit Eksport (AP) bagi bauksit.

Secara ringkasnya penambahbaikan yang akan dilaksanakan oleh Kerajaan dalam aktiviti perlombongan dan pengeksportan bauksit adalah seperti berikut:

(a) Pengurusan di Tapak Perlombongan Bauksit

- (i) Pindaan syarat-syarat perlombongan bauksit di tanah FELDA
- (ii) Pindaan Enakmen Mineral Negeri (EMN) Pahang 2001;
- (iii) Pengukuhan peranan *State Mineral Resources Committee* (SMRC);
- (iv) Pindaan syarat-syarat permohonan ML / PML;
- (v) Penambahbaikan terhadap syarat-syarat OMS.

(b) Kaedah Pengangkutan Dan Penguatkuasaan

- (i) Penetapan Spesifikasi dan Garis Panduan bagi Lori Pengangkut Bauksit / Mineral;
- (ii) Penetapan Laluan Khusus Bagi Lori Pengangkut Bauksit Dari Tapak Pengekstrakan Ke *Centralised Stockpile* / Pelabuhan;
- (iii) Pendaftaran Lori Pengangkut Bauksit;
- (iv) Penambahbaikan Proses Pengeluaran Borang 13D Di Bawah Peraturan-Peraturan Mineral Negeri Pahang 2005;
- (v) Mewujudkan Proses Pengeluaran Lesen Pengangkutan Mineral atau Bijih Mineral.

(c) Pengurusan di Tapak *Stockpile* dan Pelabuhan

- (i) Penetapan Lokasi Bagi Tapak *Stockpile* Berpusat;
- (ii) Penyediaan Garis Panduan Pengurusan Pusat Penyimpanan Bijih Mineral;
- (iii) Penyediaan Prosedur Permohonan Dan Kelulusan Lesen Penyimpanan Mineral Atau Bijih Mineral Di Tapak *Centralised Stockpile*;
- (iv) Penyediaan Prosedur Operasi Di Tapak *Centralised Stockpile*;

- (v) Penyediaan Prosedur Penghantaran / Pengendalian Bijih Mineral Dari *Stockpile* Berpusat Ke Pelabuhan Untuk Tujuan Eksport; dan
 - (vi) Pindaan Prosedur Pengeksportan Kargo Bauksit.
- (d) Prosedur Pengeksportan Bauksit
- (i) Penetapan Kategori Pemohon Permit Eksport (AP);
 - (ii) Pengenaan Bayaran Permohonan Dan Pengeluaran Permit Eksport (AP);
 - (iii) Pengeluaran AP setelah pembayaran royalti dibuat; dan
 - (iv) Pengeluaran AP berdasarkan 1AP, 1 *Consignment*

Pelaksanaan penambahbaikan tersebut akan menjadikan aktiviti perlombongan dan pengeksportan bauksit ini lebih teratur, berkesan dan memberikan penekanan terhadap kesejahteraan penduduk serta alam sekitar.

Sekian, terima kasih.

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YANG BERHORMAT TUAN WILLIAM LEONG
JEE KEEN [SELAYANG]**

SOALAN :

YB Tuan William Leong Jee Keen [Selayang] minta **PERDANA MENTERI** menyatakan sama ada apa-apa perubahan terhadap pilihan raya akan dilakukan, seperti kewajipan untuk mengundi, serta pendaftaran pengundi secara automatik.

SULIT

JAWAPAN: YB DATO' SRI AZALINA BINTI DATO' OTHMAN SAID

MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, Perkara 119 Perlembagaan Persekutuan menyebut mana-mana warganegara Malaysia yang telah mencapai umur 21 tahun dan tidak hilang kelayakan sebagai pemilih perlu memohon untuk didaftarkan sebagai pemilih bagi suatu bahagian pilihan raya dan membolehkannya mengundi dalam sesuatu pilihan raya umum atau kecil.

Oleh yang demikian, cadangan untuk menjadikan pendaftaran pemilih secara automatik adalah bertentangan dengan peruntukan di bawah Perlembagaan Persekutuan pada masa sekarang melainkan pindaan dibuat pada peruntukan sedia ada.

Sekian. Terima kasih.